

www.BibleForChildren.org

Mateo 26



A parava i
polotara muga na
Habu na Nipagepolo,
e Isu i lufe o Betani,
ra tanga ne Lasarus, a
bakovi i vakamahuri mulea
na matenga. Lakea e
Maria i bolea a kalavana
lita na mangisipa, ni rata
na vutuna kai a nard, a mapana
i dagi hateka. I guru langa na
vahane Isu, muri i ravu na vuna.
Lakea a mangina mangisipa i huli
hateka pololilo na rumu.



Muri e Iudas Iskariot, a turane huriki a murimuri ala ravulu a polona i rua, i lakea ne huriki a prister dagi ge habi na limane ria e Isu. Ri vivi ni longoa a ngava iea, lakea ri ta muholi vona ri gi habi vona ranga moni. Lakea e Iudas i davea a parava kamumu ge habia ne ria e Isu.




Lakea e huriki a murimuri ri muri
mai a ngavane Isu, ri vano ri rata
puru a maki ni kani na Habu na
Nipagepolo. Na tahuna ri kakani,
e Isu i bolea a bret, i kavurikea a
Vure, i kevea, i habi ne huriki a
murimuri, i ta maea, "A bret ieia
a bobogu. Mu bolea, mu kania."



Muri i bole rikea a kap na vain, i kavurikea a Vure. I habia ne ria, i ta maea, "Mua lobo mu ninu vona, a vuhuna a vain iea a daragu, ge pori nau ne vona ni vakatorea a ngava muholi a Vure i rata karaba turane huriki. Ge pori ne vona ni puga vuroki a naro hale ne huriki ala kupo."




Lakea e Isu i ta maea, "Simon, Simon, o longo!
E Satan i nana tora a Vure pali ge toni tora mua.
Pali iau a vasileki pali vomu nahea go lohopile iau.
Muri, na tahuna o hamule valai tabu nau, o tuhori e
huriki a turamu ri gi pesi tora tabu." Lakea e Petrus
i takia, "Bakovi Dagi,
iau bara dili turamu
na bavi, bara mate
turamu!" Lakea
e Isu i takia,
"Petrus, muga na
kureko ge tangi
barama, bara o
nana rovi iau
balaka tolu."



E Isu i tuli e huriki a
murimuri vona, ri lakea
na tabeke ni gale e
Getsemani. Na tahuna
ri bele, i taki ria, "Mu
made koea mu dava iau.
Ga lakea taro, ga vasileki."
I vasileki maea, "Aba,
Tata! A maki lobo a maki
tavula vomu. O bole vurokia
nau a nimadihi iea. Pali a
ningaru vomu, i uka ma
ga ningaru nau."



Lakea e Iudas i tuli e huriki a tara na nugumaheto turana e huriki a bolekori na prister dagi, a Pariseo, ri lakea vona a hania iea. Ri bole a bombom, a lam, a lebo na vabinga. Muri a viri tara ne ria i palakudua a talingana vora na prister dagi, ra talingana na kanena. Pali e Isu i ta maea, "Naha ni ratea a naro iea!" Muri i padoi a talingana bakovi, i kamumu mule tabu.



Ri lakavu loba e Isu, muri ri turari lakea na ruma na
prister dagi. Pali e Petrus i muri gosi basi
popote vona. Ri tunu lobo a
kanono na matana ruma,
lakea ri made puru. E
Petrus tara i made
turane ria.



Lakea a vora na prister
i muga ne huriki a
prister lobo, a kabu
na bakovi i palakudua
e Petrus a talingana, i
gege, i ta maea, "Ioe
tara, a matai ioe o turana
na hania." Pali manga a hini
muga e Petrus i lavuni tabu.
I malaviriri kunana a kureko
i vakatubu ni tangi. Muri e
Petrus i ha tala, i tangi hateka.





Muri ria lobo ri pesi rike, ri tulia
e Isu ge lakea ne Pilato. Lakea e
Pilato i nanea e Isu, i ta maea,
"Ra ioe, ioe a hariki ne huriki a
Iuda?" E Isu i koli i ta
maea, "A ngava o
takia pali." E Pilato i
taki tabu e huriki vona
e Isu ge pagitala. Pali ri
gale dagi tabu ri ta maea,



"O paditatea na kai tavalavala!
O paditatea na kai tavalavala!"



Ngane e Pilato i longo, i habia
ne ria e Isu, ri gi paditatea
na kai tavalavala. E huriki a
nugumaheto ri tuli poloa e Isu.
E Isu i kalohoa a kai tavalavala
vona, i lakea mai a Tanga na
Tuhana Gigi, na nita Aram
ni gale e Golgota.



Na tahuna ri bele vonga ri paditatea
na kai tavalavala turana bakovi ala
rua. A bakovi tara i tavore
na maurine Isu. A
bakovi tara i
tavore na
kanena.



Na kuru haro a uvo i kavitagua a malala, i vano i harena na kilala i tolu na malunga, a vuhuna a haro i uka ma i para. A lavalava dagi na roho na Vure i mavida i bale rua. Muri e Isu i ta dagi, i ta maea, "O Tata a habia na limamu a hanugu." Muri i mate.



A bakovi tara, e Iosep o Arimatea, a
tara na Sanderin, e huriki ri togoa.
I hatenono vona a harikianga
na Vure ge valai. I kinigao,
i lakea ne Pilato i nanea
vona a podane Isu.

Lakea e Iosep i
konea a lavalava
keakea, i parua a
podane



Isu na kai
tavalavala, i bunua
na lavalava. Muri i
rua a podana na
babe ni keli tala na
kedo, i kule karia a
ngavana babe na
kedo dagi.



Na parava muri, na Parava Nimalo, e
huriki a prister dagi, e huriki a
Pariseo ri vapopo turane
Pilato, ri ta maea,
"Bakovi dagi, ra bakovi
na taminga iea, mi
longoa na tahuna i
tabana na ni
mahuri, i ta maea,

'Muri na
parava i
tolu bara
mahuri
mule na
matenga."



"Lakea ri vano ri tukaria
a babe, ri ru a kilakila
na kedo ni gi matakilaka
vona, ni kule tala, o i
uka. Muri ri taki e
huriki a tagari
ri gi tagaria
a babe."



A Parava Nimalo i lobo. Na hatelanga pokopoko na mugana parava na vik, e Maria Magdala rua e Maria tara ru vano ru gu gosia a babe. I pori vakaturutu a vuru ke, a vuhuna a agelo ne Bakovi Dagi i puru valai na hunu, i kule vurokia a

kedo
dagi

ni tukari matana babe vona. Muri i made langa vona. E huriki a tagari ri mangenge hateka, i vakulu a tagane ria, i vurea a matane ria, ri mate.



Pali a agelo i taki rua, i ta maea,
"Naha ni mangenge. A lohoka
marua, muru matakanea e
Isu, ra ni paditata na kai
tavalavala. I uka ma
iakoea, a vuhuna i
mahuri mule pali, i
manga a hini i taki
muga. Muru valai
muru




masia a murina
i tabuli muga
vona a podana."




Ra ngatavine nga ru mangenge, pali ru vivi hateka. Ru pea a babe, ru nunu hamule lakea ne huriki a murimuri, ru vakalongo ria. Ru tabana ni nunu na dala, e Isu i luve vakaturutu ne rua, i ta maea, "Hatelanga."

Lakea ru valai vona, ru nugutata a vahana,



ru kavurikea.





Muri e Isu i bele taho e huriki a murimuri vona ala ravulu a polona i taku na tahuna ri kani. I tahate ria, a vuhuna i uka ma ri luhoi tora, ri gigi tora hateka, i uka ma ri luhoi e huriki ri masia na tahuna i mahuri mule pali. E Isu a Bakovi Dagi i vara lobo e huriki a murimuri vona. Muri ni bole sike na hunu i made turana a Vure, na limana a kanena.



I mavonga a vuhuna a Vure i ngaru
hateka e huriki na malala, lakea i
rudua e Tuna a bakovi a madiva ge
mate, lakea e rei a viri i luhoi
tora ia i uka ma ge velu, bara
i bole a nimahuri
vakaroro.



Rom 3:23 Hita lobo si rata pali a naro hale, si marava basi na bagetuanga na Vure.

Rom 6:23 A mapana naro hale a matenga. Pali a nimahuri vakaroro, a Vure i habi tavula ne hita, a vuhuna si rihi e Isu Kristo, a Bakovi Dagi ne hita.

Hibru 9:27 Hita lobo bara si mate balaka taku kunana. Muri bara si pesi na matana Vure, ge pelekado hita.

Epesus 2:8,9 A Vure i rata kamumu mua, i korimule mua, a vuhuna mu luhoi torea. Ra hini mu luhoi torea, i uka ma i valai ne mua. A Vure i habia ne mua a niluhoi ie. I korimule mua, i uka ma i ramai a naro kamumu mu ratea, i mavonga i uka tara viri ge bibi rike mule a rana.



Rom 10:9,10 I mavonga, na ngavamu o taki tala ne Isu ia a Bakovi Dagi vomu. Na hatemu, o luhoi torea a Vure i vakamahuri mulea na matenga, lakea a Vure bara i korimule ioe. E huriki ri luhoi torea e Isu na hatene ria, a Vure bara i taki ria ri malamala. E huriki ri ta tala na ngavane ria, ne Isu ia a Bakovi Dagi, a Vure bara i korimule ria.

Loanes 3:16,17 "I mavonga a vuhuna a Vure i ngaru hateka e huriki na malala, lakea i rudua e Tuna a bakovi a madiva ge mate, lakea e rei a viri i luhoi tora ia i uka ma ge velu, bara i bole a nimahuri vakaroro." A Vure i rudua e Tuna a bakovi i valai na malala, i uka ma ge pelekado e huriki. I rudu vilia ge korimule e huriki na limana.



1 Loanes 5:11-13 A ngava a Vure i vakalongo hita vona i maea, ge habi ne hita a nimahuri vakaroro. A nimahuri vakaroro iea i valai ne Tuna. E rei a viri i laho turana Tuna Vure bara i tahoka a nimahuri vakaroro. Pali e rei a viri i uka ma i laho turana Tuna Vure i uka ma ge tahoka a nimahuri vakaroro. Iau a here a ngava nga lakene mua e huriki mu luhoi torea a rana Tuna Vure, mu gu lohoka vona mu tahoka a nimahuri vakaroro.



Mateo 26-28; Lukas 22-24; Ioanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bola Bible (bnp) © 2011 Wycliffe Bible Translators, Inc.
All rights reserved.

<https://live.bible.is/bible/BNPWBT/GEN/1>

©2024 Bible for Children, Inc.

www.M1914.org

www.bibleforchildren.org

